

Prohibent verò eandem criticæ evacuationes, quæ aliàs turbarentur, eorumque motus impediretur.

CAPUT XLI rectum venæ sectionis usum determinat.

QUANTITATEM CONTINUAM quod spectat, quandoque in MAGNA COPIA & ἀθροτίεσιν, largissimam evacuationem admittit unâ vice, semel & effusè magnus PLETHORÆ excessus; quandoque tamen minus, pro ratione plethoricæ congestionis & virium consensus evacuari omnium suffragio potest.

Galenus in comm. ad aphor. 23. libr. 1. in febribus ardentissimis τὸ πῶσον τῆς κινήσεως τὴν λειποψυχίαν, mensuram curationis animi deliquium constituit.

MENSURA & REGULA quantitatis restringenda est ad vires ægotantis, quæ si validæ sint & constantes, μέχρι τῆς λειποψυχίας ἀφαίρεσιν admittunt. Commoda, quæ à deliquiō hōc animi proveniunt, subjungit paulò inferiùs, nempe: totius corporis habitus refrigeratur, febris extinguitur & plurimis etiam alvus citatur, sudoresque emanant. Indè nonnulli prorsùs sanitati sunt restituti, nonnulli plurimùm adjuti vehementiam ægritudinis superârunt.

Amatus Lusitanus centur. 3. curat. 33. in juvene, urinâ crassâ adparente & rubrâ, è dextrâ venâ jecorariâ sanguinem ad ℥viij & die sequenti ex basilicâ sinistrâ ad uncias totidem extraxit.

TEMPERAMENTA calida & humida faciliùs ferunt copiosam evacuationem; calida & sicca verò difficiliùs. HABITUS corporis floridus, carnosus, ætas florida ac media, & sexus masculinus liberaliorem, quàm sequior, perferunt venæ apertionem.

REGIONES calidæ largiores ferunt sectiones. *Gallia ca-*